

## NAQQIUT

Naqqiut 12. september 2016 ullulerneqartoq taarsissavaa

*(Inatsisartut Allattoqarfiannit innersuussuteqartoqarnerata kinguneranik inatsisissatut siunnersuutip kalaallisoortaani oqaatsitigut naqqiisoqarpoq. Inatsisissatut siunnersuutip quequtaani kiisalu inatsisissatut siunnersuummi § 1 nr. 1-im i § 2-milu naqqiissuteqartoqarpoq. Kiisalu oqaaseqaatini nalinginnaasuni naqqiutit ilanngunneqarput)*

Inatsisissatut siunnersuut pillugu oqaaseqaatit

### **Nalinginnaasumik oqaaseqaatit**

#### **1. Aallaqqasiut**

Inatsisartut aalajangiinissaannik siunnersuutip malitsigisaanik siunnersuut manna suliarineqarpoq, taannalu Inatsisartut 2015-mi upernaakkut ataatsimiinneranni (UPA 2015/122) siulermearlugu suliarineqarpoq. Tamatuma kingorna Inatsisartut aalajangiinissaannik siunnersuut Aningaasaqarnermut Akileraartarnermullu Ataatsimiititaliamut ingerlatinneqarluni, tamumalu kingorna Inatsisartut 2015-mi ukiakkut ataatsimiinneranni (UKA 2015/122) suliarineqarlunilu akuersissutaalluni.

Inatsisartut aalajangiineranni takuneqarsinnaavoq, Naalakkersuisut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat nr. 6, 5. december 2008-meersumut, Inatsisartullu inatsisaatigut nr. 25, 9. december 2015-meersukkut allannguuteqartsinnejartumut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarnera pillugu inatsisissatut siunnersuusiussasut. Inatsississatut siunnersuutikkut aatsitassatigut isertittakkat pillugit oqaasertaata isumaa imaalillugu al-lanngortinneqassaaq, sumiifinni suliat oqaatsip isumaaniitkkunnaarlugit.

Inatsisartut aalajangigassaata suliarinerani aalajangiinerannilu pissutsit sukumiinerusumik immikkoortoq 2.2-mi eqqaaneqassapput.

#### **2. Siunnersuummi pingaarnerutitat**

##### **2.1. Inatsisitigut atuuttut**

Eqqartukkami inatsisit atuuttut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat nr. 6, 5. december 2008-meersumiipput, taannalu Inatsisartut

inatsisaatigut nr. 25, 9. december 2015-meersukkut allannguiteqartsinnejarluni (matuma kinguliini aatsitassarsiornermi inatsit).

Aatsitassarsiornermi inatsit atuutilerpat Naalakkersuisut Kalaallit Nunaanni Aatsitassarsiornermi Aningaasaateqarfiliussapput, tak. Aatsitassarsiornermi inatsimmi § 1.

Tamatumma kingorna Naalakkersuisut aatsitassarsiornermi inatsit toqqammavigalugu aatsitas-sarsiornikkut isertitat tamaasa, nunatta karsianit Kalaallit Nunaanni Aatsitassarsiornermi Aningaasaateqarfimmut nuussavaat, tak. Aatsitassarsiornermi inatsisip §§ 3 aamma 5. Aaatsitassarsiornikkut aningaasaateqarfiup pigisai nalillit aatsitassarsiornermi inatsisip malittarisas-sai naapertorlugit ingerlanneqassapput.

Aatsitassarsiornermi inatsisip § 2-ani takuneqarsinnaavoq, inatsimmi siunertaasoq namminersorlutik oqartussat aatsitassarsiornikkut isertitaasa inissinneqartarnissaasa atorneqarnissaasalu malittarisassiunneqarnissaat, piffisarlu alimasinnerusoq isigalugu namminersorlutik oqartus-sat aatsitassarsiornikkut isertitaasa aaqqissuunneqarnissat.

Tamanna naapertorlugu inatsimmut atuuttumut oqaaseqaatini takuneqarsinnaavoq, aningaa-saateqarfiup siunertarimmagu qulakteerniassallugu, aatsitassarsiornikkut isertitatigut kalaallit aningaasaqarnerata patajaallisarnissa atorluaanikkullu ineriertortinnejarnissa, ukiuni ataa-siakkaani isertittakkat isumalluutiginagit. Aningaasaateqarfiliornerup aamma siunertarivaa, Kalaallit Nunaata aatsitassarsiornikkut isertitaasa atorneqarnerini pingarnertut piffissaq ali-masinnerusoq isiginiarneqassamat qulakteerniassallugu, tamatumuunami kingulissagut aamma pissaqarniassammata.

Aaatsitassarsiornermi aningaasaateqarfiup inatsisaata malitsigissavaa, aatsitassarsiornikkut isertitat tasaammata misissueqqaarnertigut, misissueqqinnikkut, piiaanertigut, taamatullu Ka-laallit Nunaanni aatsitassarsiornikkut namminersorlutik oqartussat isertitaat, soorlu tamanna namminersorlutik oqartussat taamatut isertitaqarsinnaanerat pillugu inatsisikkut oqaatigine-qartoq, tak. Aatsitassarsiornermi inatsisip § 3, imm. 3, oqaaseqatigiit siullit.

Aatsitassatigut isertitat aamma tassaapput, namminersorlutik oqartussat aatsitassarsiornikkut peqataanermikkut isertitaat, matumani namminersorlutik oqartussat piginneqatigiiffinni peqa-taanermikkut atugaat, kiisalu namminersorlutik oqartussat piginneqatigiiffinni piginneqataas-sutsiminnik tunisinermikkut isertitaat, tak. Aatsitassarsiornermi inatsisip § 3, imm. 3, oqaase-qatigiit aappaat.

Namminersorlutik Oqartussat aatsitassarsiornermi isertitaqarsinnaatitaanerannik inatsit ullu-mikkut Namminersorlutik Oqartussat pillugit Inatsimmi nr. 473-mi 2009-mi juunip 12-neersumi § 7 toqqammavissaavoq (matuma kinguliini namminersorneq pillugu inatsit).

Namminersorreq pillugu inatsimmi taamatullu aatsitassarsiornermi inatsimmi aatsitassarsiornermi oqaatsip isertitat isumaa eqqartorneqarput.

Isertitat pillugit isumaani atuuttut pissutsit sukumiinerusumik immikkoortoq 2.3.2.-mi eqqartorneqarpoq.

## *2.2. Siunnersuut pillugu*

Inatsisartut aalajangiinissaannik siunnersuutip malitsigisaanik siunnersuut suliarineqarpoq, taannalu Inatsisartut 2015-mi ukiaanerani suliarineqarlunilu akuerineqarpoq. Takuuk immikkoortoq 1.

Inatsisartut aalajangiinerat imatut oqaasertaqarpoq:

**"Inatsisartut tulliuttoq pillugu aalajangiinissaattut siunnersuut, Naalakkersuisut kingusinnerpaamik UPA2016-mi Kalaallit Nunaata Aatsitassarsiornermi Aningaa-saateqarfia pillugu Inatsisartut inatsisaat nr. 6, 5. december 2008-meersumut allannguutissatut siunnersuuteqassasut piumaffigineqassapput, tamatumuuna Kalaallit Nunaanni Aaatsitassarsiornikkut Aningaasaateqarfik pillugu Inatsisimmi oqaatsip aatsitassarsiornikkut isertitat isumaa Namminersorlutik Oqartussat pillugit Inatsimmi aatsitassarsiornermi isertitatut oqaatsip atukkap isumaanit immikkortinneqaqqullugit. Allannguutissatut siunnersuutip oqaasertaa imaattaria-qarpoq, suliniutit soorlu uuliamik maqisoortoqartillugu akiuiniarnikkut, illuutit sanaartukkalluunniit allat atortuutillu aatsitassarsiornikkut isertitatut Kalaallit Nunaanni Aaatsitassarsiornikkut Aningaasaateqarfip isertitatut oqaasertaanit immikkoortillugit."**

Inatsisartut aalajangiinerat, Inatsisartut 2013-mi ukiakkut (UKA 2013/85) ataatsimiinneranni suliarinninnertut akuersissutiginninnertullu ippoq.

Taamaalluni Inatsisartut 2013-mi aalajangiineranni aamma taamatulli inatsimmi oqaatsip atukkap isumaanik allanguinissamik imaqarpoq.

Inatsisartut 2013-mi aalajangiinerata kinguneranik, 2014-mi upernaakkut (UPA 2014/129) ataatsimiinnermi aatsitassarsiornermi inatsit pillugu Inatsisartut inatsisaata allanngortinneqarnera pillugu siunnersuut saqqumiunneqarpoq. Inatsisissatut siunnersuut Inatsisartut 2014-mi upernaakkut ataatsimiinneranni siullermeerneqarpoq, allannguutissatullu siunnersuutip suliareqqinnissaa ukioq taanna ukiakkut ataatsimiinnissamut kinguartinneqarluni. Qinersinissarli pisussanngormat, siunnersuut unitsikkallarneqarluni.

### *2.3. Aatsitassarsiornermi inatsisip isertitat isumaata allanngortinna*

2014-mi inatsisisatut siunnersuutip imarivaa, aatsitassarsiornermi aningaasaateqarfimmumt inatsimmi isertitatut isumaanik allannguutissaq, taannalu naapertorlugu suliat tamarmik aatsitassarsiornermi inatsit naapertorlugu isertitat isumaanut ilaatikkunnaarlugu.

Inatsisisatut siunnersuut manna 2014-mi inatsisisatut siunnersuummiit allanneruvoq. Inatsisisatut siunnersuut manna aatsitassarsiornermi inatsimmi isertitatut taaneqartuniit suliat tamakkerlugit atuukkunnaartissanngilai, taamaallaalli namminersorlutik oqartussat suliaqarnermikkut, annerusumik aatsitassarsiornermut atugassatut suliamikkut isertitaat pineqarlutik.

Suliatigut nalillit pineqartut tassaapput pilersitat imaluunniit aatsitassarsiornikkut atukkat, pigginnitoq akuersisummik pigisaqarnermigut aatsitassarsiornermik ingerlataqarsimappat.

Siunnersuutip § 1-ani nr. 1-mut oqaaseqaatini ataasiakkaani eqqaanneqarpoq, suliatigut nalil- lit sutigut qanorlu annertutigisumik pilersinneqarsimanersut atorneqarsimanersullu paasisaria- qarnerat.

Inatsisartut aalajangeereernerata kingorna siunnersuut imatut eqqarsaatigineqarpoq, taamatut suliat nalingat aatsitassarsiornermi inatsisip oqaasertaata isumaa naapertorlugu pineqassanngitsut. Taamaammat aatsitassarsiornermi aningaasaateqarfiup inatsisaani § 5-ani, imm. 3 naapertorlugu taamatut suliat nalingat nunatta karsianiit aatsitassarsiornermi aningaasaateqarfimmumt nuunneqassanngillat. Aammattaaq taakku suliat nalingat aatsitassarsiornermi aningaasaateqarfik pillugu inatsisip § 50-ia naapertorlugu atuutsitilernissaanut toqqammaivus- sanngillat.

Taamaammat siunnersuutip malitsigissavaa, aatsitassarsiornermi aningaasaateqarfiup pigisai nalillit annikinnerulersinaanerat, tassa aatsitassarsiornermi aningaasaateqarfiup, aatsitassarsiornermi inatsimmi oqaatsip isumaa atututtoq naapertorlugu pigisarilersimasinnaasaanut sa- nilliullugit.

Taamatut nalikinnerulernissaannut apeqqutaassaaq, sutigut qanorlu annertutigisumik Kalaallit Nunaanni Namminersorlutik Oqartussat misissueeqqaarnikkut, misissuinertigut, taamatullu Kalaallit Nunaanni aatsitassarsiornikkut suliaqartiginissaat. Sutigut qanorlu atsigisumik taamatut suliassaqtitaasinnaanissaq, aatsitassat tassungalu attuumassutilinnik suliassaqarsinnaanissaq pillugit Inatsisartut inatsisaat nr. 7, 7. december 2009-meersoq (aatsitassat pillugit inatsit) kingusinnerusukkut allannguiteqartitaasoq (kinguliini aatsitassat pillugit inatsit), naapertorlugu pisussaavoq. Siunnersuutip aatsitassarsiornermi inatsimmut pissusaa immikkoortoq 2.3.1-mi eqqartorneqassaaq.

Taamatuttaarlu nalikinnerulernissaannut apeqquaassaaq, suliat siunnersummi isertitat isumaannut ilaatinneqanngitsut, aatsitassarsiornermi aningasaateqarfik pillugu, taamatullu namminersorluni oqartussat pillugit inatsisini atuuttuni isertitat pillugit isumaani ilaatinneqas-sagaluarnersut. Isertitatut isuma atuuttoq siunnersummilu isertitat isumaat 2.3.2.-mi eqqartugaapput.

Siunnersuutip namminersorluni oqartussat inatsisaannut pissusaa aamma 2.3.3.-mi eqqartorneqarpoq.

### *2.3.1. Siunnersuutip aatsitassarsiornermi inatsimmut pissusaa*

Inatsisisatut siunnersuutikkut isummerfigineqanngilaq, sutigut qanorlu annertutigisumik aatsitassarsiornermi inatsit naapertorlugu suliassanik pissarsiassaqartoqarsinnaanersoq, matuman IBA aqqutigalugu isumaqatigiissuteqarnikkutaaq.

Taamatuttaq inatsisisatut siunnersuutikkut isummerfigineqanngilaq, sutigut qanorlu annertutigisumik aatsitassarsiornermi inatsit naapertorlugu suliassanik pissarsiassaqartoqarsinnaanersoq, aatsitassarsiornermi inatsisip malittarisassai naapertorlugit aningaasanik pissarsis-innaanermut taarsiullugu.

Pissutsit tamakku aatsitassarsiornermi inatsit naapertorlugu aalajangerneqartarumaarput.

Pissutsit tamakku Naalakkersuisunut ilaasortanit/-mit oqartussaaffigineqartussaassapput, tassa qanoq ilisukkulluunniit pisortatigoortumik suliassami akisussaasussamit.

### *2.3.2. Isertitatut isumaq atuuttup siunnersummilu isertitat isummap imminnut pissusaat*

#### *2.3.2.1. Isertitatut isumaq atuuttoq*

Aatsitassarsiornermi aningasaateqarfip inatsisaani atuuttumi aatsitassarsiornermi isertitat tassaapput, namminersorlutik oqartussat misissueeqqaarnikkut, misissueqqinnikkut, Kalaallillu Nunaanni aatsitassanik atuinikkut isertitaat, soorlu tamanna namminersorlutik oqartussat taamatut isertitaqarsinnaanerat pillugu inatsisikkut oqaatigineqartoq, tak. Aatsitassarsiornermi inatsisip § 3-ni, imm. 3-mi, oqaaseqatigiit siulliit.

Aatsitassatigut isertitat aamma tassaapput, namminersorlutik oqartussat aatsitassarsiornikkut peqataanermikkut isertitaat, matuman i namminersorlutik oqartussat piginneqatigiiffinni peqataanermikkut atugaat, kiisalu namminersorlutik oqartussat piginneqatigiiffinni piginneqataas-sutsiminnik tunisinermikkut isertitaat, tak. Aatsitassarsiornermi inatsimmi § 3, imm. 3, oqaaseqatigiit aappaat.

Kiisalu aatsitassatigut isertitat Namminersorlutik Oqartussat attaveqaqatigiinnermi, sanaartornermi il.il., aatsitassarsiornermut atatillugu pisariaqartuni kiisalu aatsitassarsiornermut toqqaannartumik sunniuteqartuni, aningaasaliinermikkut isertitaannut ilaapput, naleqq. Aatsitassarsiornermi aningaasaateqarfik pillugu inatsimmi § 3, imm. 4, aamma § 6, imm. 2, naleqq. imm. 1.

Namminersorlutik Oqartussat aatsitassarsiornermi isertitaqarsinnaatitaanerannik inatsit ullumikkut namminersorlutik oqartussat pillugit inatsimmi § 7-uvoq.

Namminersorneq pillugu inatsimmi taamatullu aatsitassarsiornermi inatsimmi aatsitassarsiornermi oqaatsip isertitat isumaa eqqartorneqarpoq.

Taamaallilluni isertitatut isumap atuuttup iluaniippuit, siullertut salliutillugulu aningaasanngorlugit akissarsiat, matumanı akileraarutit atuinermullu akiliutit ilanngullugit, aammali ilaallutik namminersorlutik oqartussat aatsitassarsiornermi peqataanermikkut isertitaat, matumanı Nunaoil A/S-p akuersissutikkut peqataanera ilanngullugu.

Isertitat isumaa atuuttoq, ilaatigut aamma suliamut nalilimmut attuumassuteqarsinnaavoq. Suliaq assersuutigalugu imakkuni ilaatigut tunngaviusumik attuumassuteqarsinnaalluni, Namminersorlutik Oqartussat suliamut atatillugu aningaasanngorlugu akissarsiassaraluaminnut taarsiullugu allatigut pissarsisut, matumanı aatsitassarsiornermi inatsit naapertorlugu aki-leraaruteqaataasumik atorneranullu akiliutaasumik.

Aammattaaq suliaq nalilik tunngaviusumik isertitatut isummamut atuuttumut attuunmassuteqassaaq, Namminersorlutik Oqartussat suliamik tigusinerminnut atatillugu toqqaannartumik aningaasatigut iluaqutigippassuk, aningaasartuutimikkulluunniit namminersorlutik oqartussat akiligassaraluatigut ileqqaarutigalugu.

Immikkoortoq 2.3.1.-mi oqaatigineqartutulli siunnersuutikkut isummerfigineqanngilaq, sutigut qanorlu atsigisumik taamatut suliamut atatillugu pissarsisoqarsinnaanersoq. Tamanna aatsitassarsiornermi inatsit naapertorlugu aalajangiiffigineqartassammat.

Suliarli nalilik isertitat pillugit isummamut attuumassuteqarnersoq pillugu nalilersuinissami, tamatigut siunertamut qanoq tulluuttsiginera toqqammavagisariaqarpoq, taamatullu aamma suliamut tunngasutillit allat isigalugit, matumanı suliaq nalilik tamanut ammasumik niuerfinni tunineqarsinaanersoq, taamatullu qanoq akeqassanersoq ilanngullugit.

Tamatumanı nalilersuineq pineqarpoq, naliliissutaasinnaasut pissutsillu assigiinnngitsutigut naliliissutitut atorlugit, aammali killigititassamiittoqarsinnaalluni, taamalu aalajangiinissaq

nalornissutaalersinnaalluni, tassa suliaq nalilik ilumut isertitatut isumaq atuuttoq naapertorlugu pineqassanersoq eqqarsaatigalugu.

### *2.3.2.2. Siunnersuummi isertitatut isumaq*

Siunnersuut akuerissaalersinnaalluni, namminersorlutik oqartussat suliamik nalilimmik pissarsinerannut atatillugu isertitassaat aatsitassarsiornermi aningaasaateqarfiup inatsisitaanut attuumassuteqassapput, tassa isertitat taakku annerusumik aatsitassarsiornermi siunerta-qarluni pilersitaappata atugaappataluunniit.

Taamaammat aatsitassarsiornermi aningaasaateqarfiup inatsisaani § 5, imm. 3 naapertorlugu taamatut suliat nalingat nunatta karsianit aatsitassarsiornermi aningaasaateqarfimmuit nuunneqassanngillat. Aammattaaq taakku suliat nalingat aatsitassarsiornermi aningaasaateqarfik pillugu inatsisip § 50-ia naapertorlugu atuutsitilernissaanut toqqammaiviussanngillat.

Taamaammat siunnersuutip malitsigissavaa, aatsitassarsiornermi aningaasaateqarfiup pigisai nalillit annikinnerulersinaanerat, tassa aatsitassarsiornermi aningaasaateqarfiup aatsitassarsi-ornermi inatsimmi oqaatsip isumaa atuuttoq naapertorlugu pigisarilersimasinnaasaanut sanilliullugit.

Taamatuttaarlu nalikinnerulernissaannut apeqquaassaaq, suliat siunnersuummi isertitat isumaannut ilaatinneqanngitsut, isummani atuuttuni ilaatinneqassagaluarnersut.

Suliaq nalilik isummami atuuttumi siunnersummilu isertitatut isummamut inissinneqarsin-naappat, siunnersuutip malitsigisaanik aatsitassarsiornermi aningaasaateqarfiup pigisai innarlerneqassanngillat.

Suliaq nalilik isummami atuuttumi siunnersummilu isertitatut isummamut inissinneqarsin-naanngippat, siunnersuutip malitsigisaanik aatsitassarsiornermi aningaasaateqarfiup pigisai innarlerneqassanngillat. Matuma kinguliani assersuut 1 takuuk.

Suliaq nalilik isummami atuuttumi inissinneqarsinnaassagaluarpas, siunnersuummi isumma-mut inissinneqarsinnaanani, taava siunnersuutip malitsigisaanik aatsitassarsiornermi aningaa-saateqarfiup pigisaanik nalikinnerulersisisinnaavoq. Matuma kinguliani assersuut 2 takuuk.

#### *Assersuut I*

Naalakkersuisut ilaatigut akuerisinnaassavaat, akuersisummik piginnittup aqquserngit attave-qaatilluunniit allat piginnittuunini unippat akuersissulluunniit pigisani atorunaarpas qimaannassagai. Taamatut akuersissut tunniunneqassanersoq, ilaatigut aatsitassarsiornermi inatsit naapertorlugu aalajangiifiussaaq, immikkoortoq 2.3.1. takuuk. Piginnittup taamatut

suliaminik (attaveqaatit) qimaannaanera tunngaviusumik isertitatut isumaq atuuttumut siunnersummil-luunniit attuumassuteqartinneqarsinnaanngilaq.

Taamaammat Namminersorlutik Oqartussat suliamik taamaattumik tigusisinnaaneranni tunngaviusumik aatsitassarsiornermi aningaasaateqarfiup pigisai nalikilliliissutaasinnaanngillat, tassa aatsitassarsiornermi aningaasaateqarfiup isertitatut isumap atuuttup nalaani pigisamigut pissarsiarisinnaasaanut sanilliullugu.

### *Assersuut 2*

Uuliamik maqisoornermik akiuniarnermi atortuutit, Namminersorlutik Oqartussat Cairnimiit pissarsiaat, isertitatut aatsitassarsiornermi aningaasaateqarfiup inatsisaani, taamatullu namminersorlutik oqartussanerup inatsisaani isummamut atuuttumut attuumassuteqarput. Atortuutinilli taamaattunik pissutsillu taamaatillugit tigusineq, siunersummi isertitatut isummamut attuumassuteqarsinnaanngilaq.

Taamaammat Namminersorlutik Oqartussat pigisanik pissutsini taammaattuni nalilinnik pissarsinerat, aatsitassarsiornermi aningaasaateqarfiup pigisaanut nalilinnut nalikillissutaassaaq, tassa aatsitassarsiornermi aningaasaateqarfiup isertitatut isumap atuuttup nalaani pigisamigut pissarsiarisinnaasaanut sanilliullugu.

#### *2.3.3. Siunnersuutip namminersornerup inatsisaanut allatigut pissusai*

Siunnersuut akuersissutaassagaluarpat, taava taamaalilluni ilaatigut aatsitassarsiornermi inatsimmi isertitatut isumaq namminersorneruneruermi inatsimmi isummamut naapertuukkunnaassaaq.

Taamaalilluni suliap nalillip nalinga namminersornerup iantsisaani § 7, imm. 2-mi isertitatut isummamut naapertuussinnaavoq, naak suliaq nalilik aatsitassarsiornermi aningaasaateqarfiup inatsisaani isertitatut isummamut attuumassuteqanngikkaluartoq.

Taamaalillunilu aningasartaa peqqutaalluni imaasinnaalissalluni, namminersornerunerup inatsisaani § 8 naapertorlugu qallunaat naalagaaffiata ukiumoortumik Kalaallit Nunaanni Namminersorlutik Oqartusanut tapiisutaatigut annikilliliisoqartoq, naak taakku angeqqataannik aatsitassarsiornermi aningaasaateqarfimmi pissarsisoqanngikkaluartoq, taamatullu namminersorlutik oqartussat aningasartuutat taamatulli annikillisinneqanngikkaluartut.

#### *2.4. Aatsitassarsiornermi aningaasaateqarfiup inatsisaata atuutsilernissaa*

Aatsitassarsiornermi aningaasaateqarfiup inatsisaata atuutsilernissaa allanngortinneqarpoq, tassa Inatsisartut siunnersummil matumunnga tunngavissamik aalajangiineratigut. Taamaa-

lilluni aatsitassarsiornermi aningaasaateqarfiup inatsisaa Inatsisartut inatsisaatigut nr. 25-ikkut 2015-mi decembarip 9-neersukkut allanngortinneqarluni.

Taamaalilluni aatsitassarsiornermi inatsit atuutilissalluni januaarip 1-ani, Inatsisartut ukiut tulieriit aappaanni nunatta karsiata naatsorsuutaanik akuersinerata kingorna, tamatumani aatsitassarsiornermi 10 milliuni koruunit sinnerlugit isertitat ukiumi naatsorsuuseriffiusumi ilaasut, imaluunniit siusinnerusukkut Naalakkersuisut aalajangiineratigut pisussami, tak. Aatsitassarsiornermi aningaasaateqarfiup inatsisaani § 50, imm. 1.

Aningaasat 10 millioni koruunit taaneqartut ukiumoortumik ukiumi pineqartumi aningaasaarnermi inatsimmi nalinginnaasumik akitigut akissarsiatigullu nalileeriaaseq naapertorlugu iluarsiissuteqarfiusarput, tak. Aatsitassarsiornermi aningaasaateqarfiup inatsisaani § 50, imm. 2.

Inatsisissatut siunnersuut manna aatsitassarsiornermi aningaasaateqarfiup inatsaani malittarisassatigut inat-sisip atuutilernissaanik allannguinissamik imaqanngilaq.

Taamaattorli siunnersuut akuersissutaassagaluarpat malitsigissallugu, namminersorlutik oqartussat suliissanik arlaannik tigusissagaluarunik isertitassaat aatsitassarsiornermi aningaasaateqarfiup inatsisaa naapertorlugu isertitatut isummamut attuumassuteqartussaanatik. Suliat nalillit tamakku siusinnerusukkut isertitatut isummamut attuumassuteqartussaassagaluarpata, taava siunnersuutikkut aatsitassarsiornermi aningaasaateqarfiup inatsisaa naapertorlugu nalikilliliisoqassagaluarluni. Tamatuma kingunerisinnavaa, aatsitassarsiornermi aningaasaateqarfiup inatsisaata atuutilernissaanik kinguartitsigallarnissaq. Taamaalilluni siunnersuut toqqaannartumik aatsitassarsiornermi aningaasaateqarfiup inatsisissaata atuutsilersinneqarnissaanut sunniuteqarsinnaavoq.

<b>Inatsisissatut siunnersuut atuuttumut sanilliullugu</b>	
<i>Oqaasertat atuuttut</i>	<i>Inatsisissatut siunnersuut</i>
	<b>§ 1</b>  Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni nr. 6, 5. december 2008-meersumi, Inatsisartut inatsisaanni nr. 25, 9. december 2015-mi allanngortinneqartumi, ima allannguiteqartoqassaaq:
§ 3, imm. 3. Imm. 3. Aatsitassanit isertita-	<b>1. § 3, imm. 3, oqaaseqatigiit pingajuattut</b>

qarnermi paasineqassaaq namminersornerusut Kalaallit Nunaanni aatsitassanik misisueqqaarnermi, misissuinermi piaanermilu isertitat, soorlu tamanna Namminersornerusut taamaattunik isertitaqarsinnaatitaanerat pillugu inatsimmi eqqartorneqartoq. Aatsitasanit isertitanuttaaq ilaapput namminersornerusut aatsitassarsiornermik sammisaqarnermi peqataanerannit isertitat, ilaallutik isertitat namminersornerusunut tutsinneqartut selskabimi peqataanermi peqataanermi selskabimut atorneqartut, kiisalu selskabimi piginneqataassutinik tunisinermi namminersornerusut isertitaat.	inissinneqassaaq: ”Aatsitassarsiornikkut isertitatut taaneqasanngillat Namminersorlutik Oqartussat pigisanik tigussaasunik pissarsiaat, matumani uuliamik maqisoornermi akiuiniarnermi atortuutit, illuutit, sanaartukkallu allat, taamatullu atortuutit allat il.il., matumani pigisat nalillit aatsitassarsiornermi atugassatut pilersinneqarsimappata imaluunniit atorneqarsimappata.”
	<p style="text-align: center;">§ 2</p> <p>Inatsisartut inatsisaat 1. januar 2017 atuutilis-saaq.</p>

### **3. Pisortat aningaasaqarnerisigut allaffissornerisigullu kingunerisinnaasai**

Siunnersuutip kingunerisinnaavaa, aatsitassarsiornermi aningaasaateqarfiup pigisai nalillit nalikillisut, tassa aatsitassarsiornermi aningaasaateqarfiup inatsisaani isertitatut isumaq atuut-toq isigalugu aatsitassarsiornermi aningaasaatit pissarsiassaraluit eqqarsaatigigaanni, takuuq immikkoortoq 2.3. Taamaalilluni piffisaq alimasinnerusoq isigalugu siunnersuutip kingunerisinnaallugu kingulissagut eqqarsaatigalugit ileqqaagassaraluit annikinnerulissasut.

Taamuttaaq siunnersuutip kingunerisinnaallugu, aatsitassarsiornermi aningaasaateqarfiup inatsisaani isumaq namminersorlutik oqartussaanerup inatsisaanut naapertuitinngitsoq. Suliat nalillit namminersorlutik oqartussaanerup inatsisaani isertitatut isummamut attuumassuteqassapput, taammaattorli aatsitassarsiornermi aningaasaateqarfiup isertitatut isumaanut atuumassuteqaratik, siunnersuutip kingunerissavaa, namminersornerunerup inatsisaani § 8 naaper-torlugu qallunaat naalagaaffiata ukiumoortumik Kalaallit Nunaanni Namminersorlutik Oqartussanut tapiisutaatigut annikilliliisoqartoq, naak taakku angeqqataannik aatsitassarsiornermi aningaasaateqarfimmi pissarsisoqanngikkaluartoq, taamatullu namminersorlutik oqartussat aningaasartuatut taamatulli annikillisinneqanngikkaluartut. Takuuk immikkoortoq 2.3.3.

Malitsigisinnaasalli matuma siuliini eqqartorneqartut killilersimaarniarneqarsimapput. Taa-maalilluni siunnersuutikkut suliat nalillit tamakkerlugin aatsitassarsiornermi aningaasaateqar-

fiup inatsisaatigut isertitatut isumaq atuutsinniarneqarani, annerusumilli suliat nalillit aatsitas-sarsiornermi inatsit naapertorlugu pilersinneqarsimasut atorneqartullu eqqarsaatigineqarlutik.

#### **4. Inuutissarsiutitigut suliffeqarfít aningaasaqarnerisigut allaffisornerisigullu kingunerisinnaasai**

Siunnersuut inuutissarsiutitigut suliffeqarfít aningaasaqarnerisigut allaffisornerisigullu ki-ngunerisassaqaarnissa naatsorsuutigineqanngilaq.

#### **5. Avatangiisitigut, pinngortitakkut inuillu peqqissusiisigut kingunerisinnaasai**

Siunnersuut avatangiisitigut, pinngortitakkut inuillu peqqissusiisigut kingunerisassaqaarnissa naatsorsuutigineqanngilaq.

#### **6. Innuttaasunut kingunerisassai**

Pisortanut kingunerissaasaasut immikkoortoq 3-mi eqqartorneqartut, aammattaaq innuttaasunut atuupput.

Siunnersuut tamakku saniatigut innuttaasunut kingunerisassaqaarnissa naatsorsuutigineqanngilaq.

#### **7. Allatigut annertuumik kingunerisassai**

Siunnersuut Naalagaaffeqatigiinnikkut pissutsitigut sunniuteqassanngilaq.

Siunnersuutili malitsigissavai, aatsitassarsiornermi aningaasaateqarfiup pigisaasa nalillit na-likillerat, tassa aatsitassarsiornermi aningaasaateqarfiup inatsisaani isertitatut isumaq atuut-toq isigalugu aatsitassarsiornermi aningaasaatit pissarsiassaraluit eqqarsaatigigaanni, takuuk immikkoortoq 2.3.1. Siunnersuulli aatsitassarsiornermi aningaasaateqarfimmut ileqqaak-katigut annikillisitsinermik kinguneqassagaluarpat, taava siunnersuutip kingunerisaanik nammineerluni aningaasaqaarnikkut napatilersinnaanissamut periarfissaq ajorseriaateqassaaq.

Siunnersuut allatigut annertuumik kingunerisassaqaarnissa naatsorsuutigineqanngilaq.

#### **8. Pisortanik, peqatigiiffinnik il.il. tusarniaaneq**

Siunnersuut 2016-mi maajip 24-niit juunip 28-nut pisortanut peqatigiiffinnullu tulliuttunut tu-sarniutaanikuovoq: KANUKOKA, Kommuneqarfik Sermersooq, Naalakkersuisut Siulittaasuata Naalakkersuisoqarfianut, Aatsitassanut Ikummatissanullu Naalakkersuisoqarfimmut, Inu-ussutissarsiornermut Suliffeqarnermut Niuernermullu Naalakkersuisoqarfimmut, BankNordik, Grønlandsbanken, SIK, Sulisitsisutamma Nusuka.

Tamatuma saniatigut siunnersuut namminersorlutik oqartussat nittartagaat aqqutigalugu tamanut tusarniutaanikuovoq. Tamanut tusarniutaaneranut atatillugu oqaaseqaatinik tigusaqartoqarnikuunngilaq.

Tulliuttuni tusarniutaaneranit akissutit eqqartorneqassapput, taamatullu allanngortitsinismik siunnersuutit, tusarniutaanerani tiguneqarsimasut. Tusarniutaaneranit akissutit tigunerat malillugu tulleriaagaapput. Oqaatigineqassaaq, tusarniutaanerani akissutit orlingasumik issuarneqartut, pingarnersiuinnarlugit issuagaammata, tassa pingarnersiuinikkut naliliineq toqqammaavigalugu.

Tusarniutaanerani akissutit tamarmik Inatsisartuni ataatsimiititaliamut susassaqartumut tamakkisumik nassiunneqarnikuupput.

Siulittaasup naalakkersuisoqarfiata siunnersuutigivaa, inatsisisstatut siunnersuummut oqaaseqaatit, aatsitassarsiornermi aningaasaateqarfik pillugu inatsisip allanngortinnejarnera-nut siunnersuummut, 2014-mi upernaakkut ataatsimiinnermi (UPA 2014/129), saqqummiun-neqartumut oqaaseqaatitaanut naapertuuttorngulugit aaqqinneqassasut.

*2014-mi upernaakkut ataatsimiinnermi (UPA 2014/129) aatsitassarsiornermi aningaasaateqarfik pillugu inatsisip allanngortinnejarnera pillugu inatsisisstatutsiunnersuut saqqummiunneqarpoq. Allannguutissatut siunnersuutip 2014-meersup ilaatigut imarivaa, aatsitassarsiornermi aningaasaateqarfip inatsisaani isertitat pillugit isumaata allanngortinnejarnissa, tassa suliad tamarmik aatsitassarsiornermi aningaasaateqarfip inatsisaani isummamut attuumatinneqannginnissaat eqqarsaatigallugu.*

*Inatsisisstatut siunnersuut manna 2014-mi siunnersuummit allaanerussuteqarpoq. Allannguutissatut siunnersuutikkut matumuuna aatsitassarsiornermi aningaasaateqarfip inatsisaani isertitat isumaq sulanut tamanut attuumassuteqartinnginnissa eqqartorneqanngilaq, annerusumilli namminersorlutik oqartussat suliassamik tigusineranni, aatsitassarsiornermut atatillugu pilersinneqartut atugassallu pineqarlutik.*

*Siunnersuutip Naalakkersuisut Siulittaasuata Naalakkersuisoqarfiata oqaaseqaatai annertunertigut akuersaarpai. Taamaalilluni inatsisisstatut siunneruummi oqaaseqaatitaigullu erseqqissarneqarluni, siunnersuutikkut attuumassuteqanngitsutut suliad aalajangersimasut ilaatat taamaallaat pineqarmata, oqaaseqaatitaanilu tamatumani pissutsit pineqartut eqqaaneqarlutik, matumani sutigut qanorlu annertutigisumik aatsitassarsiornermi aningaasaateqarfip pigisaanut nalilinnut kalluaasanersut ilanngullugit. Takuuk immikkoortoq 2.3.*

Aatsitassanut Ikummatissanullu Naalakkersuisoqarfip siunnersuutikkut erseqqissarneqassasoq siunnersuutigivaa, qanoq ililluni suliaq aatsitassarsiornermi aningaasaateqarfip inatsisaani isummamut attuumassuteqartinnginnersoq,

matumani pingaartumik aatsitassarsiornermik oqaatsimut suut ilaatinneqassanersut eqqarsaatigalugit.

*Siunnersuutikkut Aatsitassanut Ikummatissanullu Naalakkersuisoqarfiup oqaaseqaataa naapinniarneqarpoq. Taamaammallu tamanna pillugu oqaaseqaatit ilaneqarlutik.*

*Siunnersuutip § 1-ni, nr. 1-mut immikkut oqaaseqaatini oqaatigineqarpoq, sutigut qanorlu annertutigisumik suliad pilersinnejqarsimassanersut imaluunniit aatsitassarsiornermi atugaanersut.*

Inuussutissarsiornermut, Suliffeqarnermut Niuernermullu Naalakkersuisoqarfiup oqaatigivaa, Inatsisartuni siunnersuut akuersissutigineqassagaluarpat kingunerissagaa, suliad aatsitassarsiornermi aningaasaateqarfiup inatsisaata § 3, imm. 3 naapertorlugu isertitatut isummamut attuumassutaarutissasut. Taammaattumik suliad taamaatut nalillit nalingi aatsitassarsiornermi aningaasaateqarfiup pigisaanut nalilinnut attuumassutaarutissapput, taamaalillutillu aatsitassarsiornermi aningaasaateqarfiup inatsisaani malittarisassanut ullumikkut atuuttunut naapertuutumik ingerlannejqarsinnaassanatik atorneqarsinnaassanitillu. Tamatumia kingunerissavaa, aatsitassarsiornermi aningaasaateqarfiup pigisaasa nalillit nalikilliartornissaat, tassa aatsitassarsiornermi aningaasaateqarfiup pigisamigut nalilitsigut pissarsiassaralui isiginiarlugit, tamumani aatsitassarsiornermi aningaasaateqarfiup inatsisaani ullumikkut isertitatut isumarititaq atortinneqassagaluarpat.

*2014-mi upernaakkut ataatsimiinnermi (UPA 2014/129) aatsitassarsiornermi aningaasaateqarfik pillugu inatsisip allanngortinneqarnera pillugu inatsisissatutsiunnersuut saqqummiunnejqarpoq. 2014-mi allanngutissa-tut siunnersuut ilaatigut aatsitassarsiornermi aningaasaateqarfiup inatsisaani isertitatut isummap allannguutissaatut siunnersuummik imaqluni, taamaalilluni suliassat aatsitassarsiorner-mi aningaasaateqarfiup iantsisaani isertitatut isummamut suliad tamarmik attuumassutaarullu-git.*

*Siunnersuut taanna 2014-mi inatsisissatut siunnersuummit allaanerussuteqarpoq.*

*Inatsisissatut siunnersuummi tassani suliad tamarmik aatsitassarsiornermi aningaasaateqarfiup inatsisaani isertitatut isummamut attuumassutaarutissanngillat, taamaallaalli namminersorlutik oqartussat suliassinenqarnermikkut isertitaat pineqarlutik, tassa pilersinnejqarsimasut imaluunniit aatsitassarsiornermi atorneqartut annerusumik eqqarsaatigalugit.*

*Inatsisissatut siunnersuummi oqaaseqaatitaanilu erseqqissarnejqarpoq, siunnersuutikkut taamaallaat suliad ilaasa attuumassuteqannginnissat pineqarmat, oqaaseqaatitaanilu tamumani pissutsit sukumiinerusumik oqaatigineqarlutik, matumani sutigut qanorlu annertutigisumik aatsitassarsiornermi aningaasaateqarfiup pigisaanut nalilinnut nalikilliissuusinnaanerat ilanngullugu. Aamma takuuk immikkoortoq 2.3.*

Inuussutissarsiornermut, Suliffeqarnermut Niuernermullu Naalakkersuisoqarfiup aammattaaq tamatuma kingunerissagaa oqaatigivaa, namminersorlutik oqartussat suliassatigut annertuunik nalilinnik pissarsisarsinnaalernissaat, naak pigisat nalillit nalingatuulli annertutigisumik aatsitassarsiornermi aningaasaateqarfimmut nuutsisoqanngikkaluaq.

Naalakkersuisoqarfiullu peqatigitillugu tamatumuuna imaattoqariaannaasoq oqaatigalugu, Kalaallit Nunaanni Namminersorlutik Oqartussat akuersissutinik piginnittuniit suliassanik aningaasangorlugit akissarsianut taarsiullugu aatsitassarsiornermi inatsisip nalinginnaa-sumik malittarisassai naapertorlugit pissarsisinnaassasut.

*Siunnersuummut oqaaseqaatini oqaatigineqarpoq, siunnersuutikkut aatsitassarsiornermi aningaasaateqarfiup pigisai nalillit annikillitinneqariaannaalissasut, aatsitassarsiornermi aningaasaateqarfiup pigisamigut nalilitsigut pissarsiassaralui isiginiarlugit, tamatumani aatsitassarsiornermi aningaasaateqarfiup inatsisaani ullumikkut isertitatut isumaq atortinneqassaga-luarpat.*

*Inatsisisstatut siunnersuutikkut isummerfigineqanngilaq, sutigut qanorlu annertutigisumik aatsitassarsiornermi inatsit naapertorlugu suliassanik tigusisoqarsinnaanissaa, matumani IBA-mik isumaqatigiissuteqarneq ilanngullugu.*

*Aammattaaq siunnersuutikkut isummerfigineqanngilaq, sutigut qanorlu annertutigisunik aningaasangorlugu akissarsianut taarsiullugu pigisanik nalilinnik pissarsisoqarsinaassanersoq, aatsitassarsiornermi inatsisip nalinginnaasumik malittarisassai naapertorlugit.*

*Pissutsit tamakku aatsitassarsionermi inatsisikkut aalajangiiffiusariaqarput. Siunnersuutip aatsitassarsiornermi inatsimmut pissusaa immikkoortoq 2.3.1.-mi taaneqarpoq.*

*Taamaalilluni siunnersuutip kingunerissanngila, aatsitassarsiornermi inatsit naapertorlugu pigisanik nalilinnik pissarsisinnaanerup allangortinnissaa, matumani IBA-mik isumaqatigiissuteqarneq ilanngullugu.*

Aaammattaaq Inuussutissarsiornermut, Suliffeqarnermut Niuernermullu Naalakkersuisoqarfiup siunnersuutip kingunerissagaa oqaatigivaa, aatsitassarsiornermi aningaasaateqarfiup inatsisaani isertitatut isumaq namminersorlutik oqartussat inatsisaannut naapertuukkunnaassasoq. Aningaasat namminersorlutik oqartussat inatsisaanni § 7, imm. 2 naapertorlugu isertitat isumaannut attuumassuteqarsinnaavoq, naak suliat nalillit aatsitassarsiornermi aningaasaateqarfiup inatsisaanut attuumassuteqanngikkaluit, aningaasallu pisuullutik qallunaat naalagaaffiannit namminersorlutik oqartussat inatsisaanni § 8

naapertorlugu Kalaallit Nunaanni Namminersorlutik Oqartussanut ukiumoortumik tapiissutit annikillisinneqarsinnaassallutik, naak aatsitassarsiornermi aningasaateqarfimmi taakku nalingat pissarsiarineqanngikkaluartoq, kiisalu namminersorlutik oqartussat aningasartuutaat taakku nalingannik nalikilli-sinneqanngikkaluartut.

Inuussutissarsiornermut, Suliffeqarnermut Niuernermullu Naalakkersuisoqarfiup tamatuma kingunerisinnaagaa oqaatigivaa, Kalaallit Nunaanni Namminersorlutik Oqartussat ukiumoortumik tapiissutitigut qallunaat nallagaafiata ilanngaataasa nalinginik aningaasaliissuteqartariaqarlersinnaasut.

*Siunnersuut akuersissutigineqassagaluarpat, aatsitassarsiornermi aningasaateqarfip inatsi-saani isertitatut isumaq ilaatigut namminersorlutik oqartussat inatsisaanni isertitatut isumma-mut naapertukkunnaarsinnaavoq.*

*Taamaalilluni suliat nalingisa nalingat namminersorlutik oqartussat inatsisaanni § 7, imm. 2-mi isertitatut isummamut attuumassuteqarsinnaavoq, naak suliat nalingat aatsitassarsiornermi aningasaateqarfip inatsisaanut attuumassuteqanngikkaluartoq.*

*Taamaammat siunnersuutip ilaatigut kingunerisinnaammagu namminersorlutik oqartussat namminneq aningaasaliissuteqartariaqalersinnaanissaat eqqortuuvoq, tassa qallunaat naalagaaffiata tapiissutaanni annikilliliissutaasup nalinganik.*

Tamatuma saniatigut Inuussutissarsiornermut, Suliffeqarnermut Niuernermullu Naalakkersuisoqarfiup oqaatigivaa, akuersissummik pigisaqartup piginneqatigiiffiup suliat nalillit nalingat IBA-mik isumaqatigiissutikkut aningaasaliiffigisinnaalissagaat siunnersuutikkut toqqammavilerneqarmat piumasarineqarsinaassasoq, tassa aatsitassarsiornermi inatsisip nali-nginnaasumik malittarisassai naapertorlugit aningaasanngorlugu akissarsianut taarsiullugu, soorlu atuinermut akiliutitut.

Inuussutissarsiornermut, Suliffeqarnermut Niuernermullu Naalakkersuisoqarfiup naalakkersuisoqarfik tamatumunnga isumaqataanngitsoq oqaatigivaa.

*Inatsisisatut siunnersuutikkut isummerfigineqanngimmat erseqqissarneqarpoq, sutigut qanorlu annertutigisumik aatsitassarsiornermi inatsit naapertorlugu suliat nalinginik pissarsisoqarsinnaasoqassanersoq, matumani IBA-mik isumaqatigiissuteqarneq ilanngullugu.*

*Taamatuttaaq inatsisisatut siunnersuutikkut isummerfigineqanngilaq, sutigut qanorlu annertutigisumik pigisanik nalilinnik aatsitassarsiornermi inatsisip nalinginnaasumik malittarisassai naapertorlugit aningaasanngorlugu akissarsianut taarsiullugu pissarsisoqarsinaassanersoq. Pissutsit tamakku aatsitassarsionermi inatsisikkut*

*aalajangiiffiusariaqarput. Siunnersuutip pissussaa aatsitassarsiornermi inatsimmut sanillilullugu immikkoortoq 2.3.1.-mi eqqartorneqarpoq.*

Inuussutissarsiornermut, Suliffeqarnermut Niuernermullu Naalakkersuisoqarfiullu aamma naatsorsuinikkut assersuutit marluk ilanngullugit nassiuppari, taakkunani lu aatsitassarsiornermi aningaasaateqarfiup pigisaanik takussutissiani, (1) qaarasummi piiaaffik piginneqatigiittut akileraaruteqartoq atuinerminullu akiliuteqartoq, kiisalu (2) qaarusummi piiaaffik atuinerminut akiliuteqarani akiliutissaraluami nalinginut sanaartukkanut aningaasaliissuteqartoq. Naatsorsuutitigut assersuutit 2014-mi upernaakkut ataatsimiinnermi (UPA 2014/129) aatsitassarsiornermi inatsimmut allannguutissatut siunnersuutip oqaaseqaatitaani saqqum-miunneqartut assigivaat.

*Siuliini eqqaaneqartutuulli inatsisissatut siunnersuut manna 2014-mi siunnersuummit allaannerussuteqarpoq. Inatsisissatut siunnersuummi tassani suliat tamarmik aatsitassarsiornermi aningaasaateqarfiup inatsisaani isertitatut isummamut attuumassutaarutissanngillat, taamaallaalli namminersorlutik oqartussat suliassinneqarnermikkut isertitaat pineqarlutik, pilersinneqarsimasut imaluunniit aatsitassarsiornermi atorneqartut annerusumik eqqarsaatigalugit.*

*Inatsisissatut siunnersuummi oqaaseqaatitaanilu erseqqissarneqarpoq, siunnersuutikkut taa-mallaat suliat ilaasa attuumassuteqannginnissat pineqarmat, oqaaseqaatitaanilu tamatumani pissutsit sukumiinerusumik oqaatigineqarlutik, matumani sutigut qanorlu annertutigisumik aatsitassarsiornermi aningaasaateqarfiup pigisaanut nalilinnut nalikilliissuutaasinnaassanerat ilanngullugit. Aamma takuuq immikkoortoq 2.3.*

*Immikkoortoq 3-mi oqaatigineqartutuulli, aatsitassarsiornermi aningaasaateqarfiup inatsisaani ullumikkut isertitatut isumaq atortinneqassagaluarpat, siunnersuutikkut aatsitassarsiornermi aningaasaateqarfiup pigisai nalillit annikillitinneqariaannaassaput, aatsitassarsiornermi ani-ngaasaateqarfiup pigisamigut nalilitsigut pissarsiassaralui isiginiarlugit.*

*Naatsorsuutitit assersuutit tiguneqarsimasut matumani siunnersuummi ilanngunneqanngillat.*

KANUKOKA, Kommune Kujalleq, Qeqqata Kommunia kiisalu Qaasuitsup Kommunia tusarniutaasumut ataatsimoorlutik akissuteqarput. Taamaammatt tulliuttumi tusarniuteqarfiusoq atorneqarpoq, taamalu KANUKOKA kommunillu taakku pingasuusut immikkut taaneqaratik.

Tusarniuteqarfiusoq isumaqarpoq, IBA-mik isumaqatigiissutikkut suliatigut namminersorlutik oqartussat kisiisa eqqarsaatiginagit kommuni ataaseq pissarsisinnaanissaanut siunnersuutikkut periarfissiisoqartariaqartoq.

*Allannguutissatut siunnersuutikkut isummerfigineqanngilaq, sutigut qanorlu annertutigisumik pigisanik nalilinnik pissarsisoqarsinaassanersoq, matumani IBA-mik isumaqatigiissuteqarneq ilanngullugu. Pissutsit tamakku aatsitassarsionermi inatsisikkut aalajangiiffiusariaqarput. Siunnersuutip aatsitassarsiornermi inatsimmut pissusaa immikkoortoq 2.3.1.-mi taaneqarpoq.*

Kommuneqarfik Sermersuup siunnersuut aqqutigalugu piffissaq qaninnerusoq isigalugu aatsitassarsiornemi isertitatigut atuilersoqarsinnaalissanersoq naliliiffigineqarnissaa ujartor-paa.

Aammattaaq Kommuneqarfik Sermersuup ujartorlugu, namminersorlutik oqartussat inatsisaanni kiisalu aatsitassarsiornermi aningaasaateqarfiup inatsisaanni oqaaseq aatsitassarsiornermi isertitat atorneqarnikuugaluarmat. Taamaammat Kommuneqarfik Sermersuup ujartoqqippaa, tamatumani suna toqqammaviusimagaluarnersoq, aammalu toqqammaviusimagaluup taamatinnera sutigut kinguneqarnersoq nalilersuiffigineqarnissaa.

*Pissutsit tamakku siunnersuutip oqaaseqaatitaasigut itisilerneqarput. Taamaalillunilu siunnersuutip aatsitassarsiornermi inatsimmut pissusai immikkoortoq 2.3.1.-mi eqqartorneqarlutik, isertitatut isummap atuuttup isertitatullu isumassatut siunnersuutip imminnut pissusaat immikkoortoq 2.3.2.-mi eqqartorneqarluni, taamatullu aamma siunnersuutip namminersorlutik oqartussat inatsisaannut allatigullu pissusaa immikkoortoq 2.3.3.-mi eqqartorneqarluni.*

BankNordik aamma Sulisitsisut siunnersummut oqaaseqaateqanngillat.

## **Inatsisissatut siunnersuutip nalittarisassartaanut ataasiakkaanut oqaaseqaatit**

### *§ 1-mut*

Nr. 1 (§ 3, imm. 3, oqaaseqatigiit pingajuat)

Malittarisassaq naapertorlugu aatsitassarsiornermi aningaasaateqarfiup inatsisaani isertitatut isummaani namminersorlutik oqartussat suliatigut pissarsinermanni isertitaat ilaatinneqassangillat, pissarsiat tamakku annertunerusumik pilersitsinikkut aatsitassarsiornermiluunniit atorneqarpata.

Taamaammat aatsitassarsiornermi aningaasaateqarfiup inatsisaani § 5-ani, imm. 3 naapertor-lugu taamatut suliat nalingat nunatta karsianiit aatsitassarsiornermi aningaasaateqarfimmum nuunneqassanngillat. Aammattaaq taakku suliat nalingat aatsitassarsiornermi aningaasaate-qarfik pillugu inatsisip § 50-ia naapertorlugu atuutsilernissaanut toqqammaiviussanngillat.

Sulianik *pissarsineq* imatut paasineqassaaq, qanorluunniit ililluni sulianik pissarsineq, matu-mani assersuutigalugu aamma pigisamik nalilimmik piginnittuulerneq, allatulluunniit pigis-amik il.il. namminerisatut atuisinnaatitaaneq.

*Suliat* imatut paasineqassapput, suliat nalillit suugaluilluunniit, matumani soorlu umiarsuali-viit, aqquserngit kiisalu attaveqaatitigut suliat suugaluilluunniit, taamatullu illuutit sanaartuk-kat, sanaartukkat, atortuutit maskiinallu il.il.

*Pilersitat atukkalluunniit* imatut paasineqassapput, pilersitat suugaluilluunniit imaluunniit su-liamik nalilimmik atuinerit. Assersuutigalugu sanaartugaq imaluunniit attaveqaatitigut pilersi-taq, illuutit imaluunniit sanaartukkat il.il. Assersuut alla tassaasinnaalluni piginnittup pigerii-gaanik imaluunniit aatsitassarsiornermi atugassamitut pisiaanik maskiinanik atuineq imaluun-niit atortuutinik il.il. atuinerit.

*Aatsitassarsiorneq* imatut paasineqassaaq, akuersisummik piginnittup piginnittuunini aalla-a-vigalugu iliuuserisai.

Namminersorlutik oqartussat suliassamik pissarsinermikkut isertitai, matuma kingorna aatsi-tassarsiornermi aningaasaateqarfiup inatsisaani isertitatut isummamut attuumassuteqassan-ngillat, pigisaq nalilik pilersinneqarnermini, pissarsiarineqarnermi il.il. *annertunerusumik* aat-sitassarsiornermi pilersinneqarsimappat atorneqarpalluunniit.

Pigisaq nalilik pingaarnertut aatsitassarsiornissamut pilersinneqarsimasutut atorneqartutul-luunniit isigineqassaaq, akuersisummik piginnittup annerusumik pilersitsinerminut imaluunniit atuinermigut akuersisummik pigisaqarnermini iliuutsimigut taanna atugarippagu. Akuersis-summik piginnittup nalilimmik pigisaqarnermigut aatsitassarsiornermini taanna atugarissallu-gu pingaarnertut siunertarippagu.

Assersuutitut imaattoq taaneqarsinnaavoq, akuersisummik pigisalik Kalaallit Nunaanni aala-jangersimasumi aatsitassanik piaanermut akuersissut pigisani atorsinnaagaa nalunaarfigi-neqasimavoq. Akuersisummik pigisalik aalajangersimasumi tessani qaarusuliorpoq, matu-mani attaveqaat, akuersisummik pigisallip piaanissamini atugassatut pisariaqartitaa. Asser-suutigalugu akuersisummik pigisalik umiarsualiviliorpoq, tassa akuersisummik pigisallip piiakkaminik suliaqarnermini umiarsuarmillu angallassinissaminut atugassaminik.

### *Assersuut 3*

Naalakkersuisut tamatuma kingorna akuersissummik pigisalimmut Kalaallit Nunaanni Namminersorlutik Oqartussat akeqanngitsumik umiarsualivik akuersissummik pigisallip nammineq (tamakkiisumik) atunngippagu atorsinnaagaat isumaqatigiissuteqarput.

Umiarsualivimmik atuinerup naligisinnaasaa, aatsitassarsiornermi aningaasaateqarfiup inatsisaani isertitatut isummamut attuumassuteqanngilaq.

### *Assersuut 4*

Akuersissut toqqammavigalugu iliuutsit ukiualuit qaangiuttut unitsinneqarput, akuersissummillu piginnittooq matusinissamik pilersaarut naapertorlugu matusinissami iliuusissani aallartillugit. Tamatumunnga atatillugu akuersissummik piginnittup sumiiffimmi umiarsualivik qimaannarsinnaagaa Naalakkersuisut akuersissutigivaat, Kalaallit Nunaanni Namminersorlutik Oqartussat umiarsualivimmik piginnittungussasut piginnittumik isumaqatigiisuteqarlutik.

Umiarsualiviup naligisinnaasaa, aatsitassarsiornermi aningaasaateqarfiup inatsisaani isertitatut isummamut attuumassuteqanngilaq.

Ilaatigullu aatsitassarsiornermi inatsit toqqammavigalugu aalajangiisoqassalluni, taamatut akuersissuteqarsinnaanissaq tunniunneqarsinnaanersoq, takuuk immikkoortoq 2.3.1.

Matuma siuliini assersuutit 3-p aamma 4-p assersuutiginerini isummerfigineqanngilaq, sutigut qanorlu annertutigisumik Kalaallit Nunaanni Namminersorlutik Oqartussat pigisanik aalaakaasunik aatsitassarsiornermi inatsit aqqutigalugu piginnittuulersinnaanersut, takuuk immikkoortoq 2.3.1. Tamatumalu saniatigut aamma isummerfigineqarani, pigisamik nalilimmik pissarsinermi naligititaq, assersuutini takuneqarsinnaasoq, namminersorlutik oqartussat inatsisaannut attuumassuteqarnersoq, takuuk immikkoortoq 2.3.2. aamma 2.3.3.

### *§ 2-mut*

Aalajangersagaq siunnersuutip atuutsilersinneqarnissaanut attuumassuteqanngilaq.

Inatsisartut inatsisaat 2017-mi januaarip aallaqqaataani atuutilissasoq siunnersuutigineqarpoq.